

SESIÓN ORDINARIA DO CONCELLO PLENO

27/MAIO/2002

SUMARIO

- 1.- APROBACIÓN ACTA DA SESIÓN DE 25-04-02.
- 2.- ACTIVIDADE DE CONTROL DO PLENO.
- 3.- DAR CONTA DE RESOLUCIÓNS DA ALCALDÍA.
- 4.- APROBAR A COMPOSICIÓN COMISIÓNS INFORMATIVAS.
- 5.- APROBAR A CREACIÓN DUN POSTO PARA PERSOAL EVENTUAL DE GABINETES
- 6.- APROBAR O RECOÑECIMENTO EXTRAJUDICIAL DE CRÉDITOS
- 7.- APROBAR A NOVACIÓN PARCIAL DO PRÉSTAMO DE 136.381,44 € ASINADO O DÍA 24-01-97 COA "CAJA DE AHORROS Y MONTE DE PIEDAD DE MADRID".
- 8.- APROBACIÓN INICIAL DA MODIFICACIÓN ORDENANZA FISCAL DA TAXA POR ENSEÑANZAS ESPECIAIS NOS ESTABLECEMENTOS DOCENTES DO CONCELLO.
- 9.- APROBACIÓN BASES REGULADORAS DAS SUBVENCIONES ÁS ANPAS 2002, NO REFERENTE A AXUDAS PARA GASTOS XERAIS DE MANTENIMENTO, E DE ACTIVIDADES COMPLEMENTARIAS EDUCATIVAS DESENVOLVIDAS POLAS DEVANDITAS ASOCIACIONES.
- 10.- APROBACIÓN DEFINITIVA ESTUDIO DE DETALLE NA RÚA PADRE CRESPO.
- 11.- APROBACIÓN DE DESIGNACIÓN DE REPRESENTANTE DO PATRONATO DE FUNDACIÓN "ILLA SAN SIMÓN".
- 12.- MOCIÓN DO B.N.G. SOBRE LISTA DE ESPERA NO SISTEMA SANITARIO DE GALICIA.

ROGOS E PREGUNTAS

Na Casa do Concello de Redondela, sendo as vinte horas do día **vinteseite de maio do ano dous mil dous**, baixo a Presidencia do Sr. Alcalde, D. XAIME REI BARREIRO, e a asistencia dos/as Sres/as Concelleiros/as: D. MANUEL JAVIER NÚÑEZ SALGADO, D. EMILIO GONZÁLEZ IGLESIAS, DONA M^a DEL PILAR MARTÍNEZ GONZÁLEZ, DONA M^a DEL CARMEN RODRÍGUEZ CUNHA, D. ALEJANDRO BASTOS FERNÁNDEZ, D. MANUEL IGLESIAS CARRERA, D. CARLOS



NUMERADO
ORACIONES
CAIS

Serie A N.º 1176125

GONZÁLEZ FERNÁNDEZ, DONA M^a. DEL CARMEN RODRÍGUEZ RIVAS, D. MANUEL RAMÓN CONDE ROMERO, D. EMILIO SÁNCHEZ SANTORIO, DONA AURORA ALONSO MONTEAGUDO, D. JOSE LUIS ALONSO BASTOS, D. MANUEL PUENTES SAAVEDRA, D. LUIS MÍGUEZ BOULLOSA, D. SALVADOR FERMIN PINTOS FERNANDEZ, D. XOSÉ CARLOS PAZOS DOCAMPO, DONA CECILIA PÉREZ ORGE, D. XOSÉ LUIS GRANDE GRANDE e DONA ROSA COSTAS ESTÉVEZ, asiste tamén D. MODESTO SOLLA SANZ, Interventor do Concello, actuando como Secretaria D^a Ana Isabel del Cerro del Río, Secretaria da Corporación, constitúese o Pleno do Concello, en sesión ordinaria, conforme á convocatoria e de acordo coa Orde do día.

Non asiste D. PABLO REBANAL ALFAYA.

1.-APROBACIÓN ACTA DA SESIÓN DE DATA 25 DE ABRIL DE 2002.

Non se formulan observacións, o Pleno do Concello, en votación ordinaria e por unanimidade dos seus membros presentes acorda prestar aprobación á acta da sesión celebrada o día 25 de abril de 2002.

2.-ACTIVIDADE DE CONTROL DO PLENO.

Non se exercitou ningún tipo de actividade de control.

3.-DAR CONTA DE RESOLUCIÓNS DA ALCALDÍA.

Pola Presidencia dase conta das Resolucións da Alcaldía dictadas dende o 23 de abril de 2002 ata o 22 de maio de 2002.

O Concello Pleno, quedou enterado do contido das Resolucións dictadas.

4.-APROBAR A COMPOSICIÓN COMISIÓNS INFORMATIVAS.

ANTECEDENTES

Resolución da Alcaldía de data 2 de maio de 2002, que literalmente transcrita dí:

"Ante a toma de posesión como Concelleira polo Grupo do BNG de DONA. ROSA COSTAS ESTÉVEZ, é preciso a reorganización dalgunha das Comisións Informativas permanentes.

A vista do escrito presentado polo portavoz do seu Grupo Político, esta Alcaldía tendo en conta o previsto no Artigo 50 do Regulamento Organico do Concello,

RESOLVE

Nomear a D^a. ROSA COSTAS ESTÉVEZ, vocal das comisións informativas de Sanidade e Medio Ambiente, Cultura, Ensino, Deportes e Benestar Social; debendo elevarse á próxima sesión que celebre o Concello Pleno, quen aprobará a composición das devanditas Comisións Informativas."

VOTACIÓN E ACORDO: O Concello Pleno, por unanimidade de todos os seus membros presentes, acorda ratificar a resolución da Alcaldía de data 2 de maio de

2002, antes transcrita, nos seus propios términos.

5.-APROBAR A CREACIÓN DUN POSTO PARA PERSOAL EVENTUAL DE GABINETES.

ANTECEDENTES

Dictame da Comisión Informativa de Economía, Facenda e Desenvolvemento Local de data 20 de maio de 2002, que na súa parte expositiva en síntesis dí:
Considerando preciso contar no Concello cunha persoa encargada das relacións coa prensa e estimando que a mesma, dadas as funcións a realizar, estaría encadrada dentro do persoal eventual de gabinetes.

Vista a inexistencia no cadro de persoal do posto correspondente propón ó Concello Peno a adopción dos pertinentes acordos para proceder a creación dun posto para persoal eventual de gabinetes.

INTERVENCIÓNS:

O voceiro do PP critica as dimensións que está a alcanzar o staff da Alcaldía, que está composto dunha secretaria, un asesor xurídico, un asesor lingüístico, un chófer e agora créase un posto de encargado de relacións coa prensa. Considera que non se trata dun posto necesario, e solicita que se lle expliquen as razóns que motivan esta contratación que, por outra banda, pensa que ven motivada par pagar un favor político. Ademais, hai que ver como xustificarán ante os veciños que as súas reclamacións non sexan atendidas por falta de orzamento.

O voceiro do PSOE sulina que o custo deste contrato non excede de 9.000 euros, e pode asegurar que as partidas para tubos, electricidade, e material diverso son dez veces maiores. Un Concello coas dimesións de Redondela precisa este posto, que respecto a ese tipo de servicios gasta a décima parte doutro Concello do seu nivel, e aforra máis do que gastaba o Partido Popular hai tres anos.

D. Manuel Conde insiste en que por ridícula que sexa a cantidade, non se lle están expoñendo as razóns desta contratación. É mellor que o voceiro socialista non faga comparacións con outros Concellos, pois son odiosas, e Concello tan mal gobernado como este non hai. A única función deste novo posto vai ser potenciar á Alcaldía nos medios de comunicación.

O Sr. González Iglesias contesta que, alomenos agora non hai ningunha persoa contratada como persoal de confianza que teña unha relación familiar co grupo de goberno, como si sucedía na anterior lexislatura. De seguido formula as seguintes aclaracións: o asesor lingüístico xa traballaba cando gobernaba o PP, despois estivo prestando os seus servicios na Mancomunidade, e agora retornou ó Concello. Por outra banda, o chófer non ten dedicación exclusiva á Alcaldía. O Sr. Conde Romero demostra coas súas intervencións que non coñece minimamente nin a organización nin o funcionamento do Concello. Remata indicando que o gasto previsto non dá nin para un minuto de debate.

O Sr. Alcalde intervén para precisar ante a intervención do Sr. Conde Romero

Serie A N.º 1176126

que é posible que este sexa o Concello peor gobernado, pero o certo é que levan desenvolvendo esta función durante vintetrés anos, coa intención de chegar ata os vintecinco, e de ser a súa afirmación certa, a xente de Redondela debe ser moi tonta porque os segue a votar.

VOTACIÓN E ACORDO: O Concello Pleno, de conformidade co dictame da Comisión informativa de Economía, Facenda e Desenvolvemento Local de data 20 de maio de 2002, **con 13 votos a favor** dos/as Sres/as Concelleiros/as: D. MANUEL JAVIER NÚÑEZ SALGADO, D. EMILIO GONZÁLEZ IGLESIAS, DONA M^a DEL CARMEN RODRÍGUEZ RIVAS, DONA M^a DEL PILAR MARTÍNEZ GONZÁLEZ, DONA M^a DEL CARMEN RODRÍGUEZ CUNHA, D. ALEJANDRO BASTOS FERNÁNDEZ, D. MANUEL IGLESIAS CARRERA, D. CARLOS GONZÁLEZ FERNÁNDEZ, D. XOSÉ CARLOS PAZOS DOCAMPO, DONA CECILIA PÉREZ ORGE, D. XOSÉ LUIS GRANDE GRANDE e DONA ROSA COSTAS ESTÉVEZ e mailo do Sr. Alcalde, e **con 7 votos en contra** dos/as Sres/as Concelleiros/as: D. MANUEL RAMÓN CONDE ROMERO, DON EMILIO SÁNCHEZ SANTORIO, DONA AURORA ALONSO MONTEAGUDO, D. MANUEL PUENTES SAAVEDRA, D. LUIS MÍGUEZ BOULLOSA, D. SALVADOR FERMÍN PINTOS FERNÁNDEZ, e D. JOSÉ LUIS ALONSO BASTOS, **por maioría de votos, acorda:**

PRIMEIRO.- Modificar o orzamento do Concello de Redondela para o ano 2002, modificación que afectaría ao cadro de persoal no que se incluírá unha praza para persoal eventual de gabinetes, con destino a relacións coa prensa, cunha dedicación de 18 horas semanais e cunhas retribucións anuais brutas (incluído o prorrateo das pagas extraordinarias) de 8.920,38 euros, equivalentes ao 50 por 100 das correspondentes a un axuliar administrativo de novo ingreso.

SEGUNDO.- Aprobar provisoriamente a modificación citada, expoñendo ao público o correspondente expediente administrativo durante 15 días hábiles, considerándose aprobado o expediente no suposto de ausencia de reclamacións durante o prazo citado.

TERCEIRO.- Con posterioridade á entrada en vigor da modificación, a Alcaldía tramitaría o correspondente expediente administrativo de transferencias de crédito por importe de 8.920,38 euros, minorando a partida 025111A15200 nesa contía, e incrementando no mesmo importe o crédito da partida 021111A11001.

6.-APROBAR O RECOÑECIMENTO EXTRAXUDICIAL DE CRÉDITOS

ANTECEDENTES

Dictame da Comisión Informativa de Economía Facenda e Desenvolvemento Local de data 20 de maio de 2002 que na súa parte expositiva di:

Pola Presidencia, dase conta de diversos créditos a recoñecer extraxudicialmente que logo se relacionan, con cargo ás partidas orzamentarias que tamén se indican.

A Comisión Informativa de Economía, Facenda e Desenvolvemento Local estimou oportuno propoñer ó Concello Pleno a adopción do seguinte acordo:

Recoñecer extraxudicialmente os seguintes créditos, imputándose os gastos ás partidas que se indican do estado de gastos do Orzamento deste Concello para o ano 2002:

Terceiro	Data factura	Número factura	Euros	Partida
A. R. Pichel	1.04.02	20020825	9.586,15	025111A62400
A. R. Pichel	01.04.02	20020826	9.586,15	025111A62400
Agali	09.04.02	FAG/705	8.594,49	025111A62700
CRC. Redondela	11.03.02	13/2002	168,28	024511A22607
CRC. Redondela	11.03.02	14/2002	180,30	024511A62707
Santos Hector, S.L.	20.03.01	0100146	2.348,96	024321B21300
Santos Hector, S.L.	28.04.01	0100193	1.855,22	024321B21300
Coruñesa de ahorro energético, S.L.	09.11.01	230/01	423,88	024521B21900
Coruñesa de ahorro energético, S.L.	22.03.02	062/2002	10.651,29	026221A62701
Covsa, S.A.	31.05.01	472/01	1.923,50	025111A21000
Digamel, S.A.	15.05.01	011219	1.797,40	024321B21300
Digamel, S.A.	15.06.01	011520	292,81	024321B21300
Digamel, S.A.	15.06.01	011521	971,86	024321B21300
Digamel, S.A.	30.06.01	01674	468,50	024321B21300
Digamel, S.A.	30.06.01	011675	1.477,31	024321B21300
Ed. Xerais, S.A.	15.05.00	214896	328,68	024511A22001
Ed. Xerais, S.A.	16.05.00	214920	378,93	024511A22001
Ed. Galaxia, S.A.	09.02.00	----	886,02	024511A22001
Eidos	07.02.02	2	5.634,49	023211A64800
Eidos	07.03.02	3	5.634,49	023211A64800
Eidos	08.04.02	4	5.634,49	023211A64800
Galo parques, S.L.	04.01.02	02/02	3.006,22	024321C62700

Serie A N.º 1176127

Galo parques, S.L.	15.01.02	02/03	10.505,42	024321C62700
Galo parques, S.L.	31.01.02	02/04	22.325,39	024321C62700
Grapes	21.03.01	1099637	108,17	021211A22200
Ir indo, S.L.	26.02.02	02 122	4.156,05	024511A22001
Ir indo, S.L.	26.02.02	02 123	4.156,05	024511A22001
Nea Gatsa, S.L.	21.01.02	0080021	369,51	021211A62300
Passco	08.06.01	726/03	752,95	024321B21300
Passco	20.09.01	265	1.526,64	024321B21300
Passco	31.10.01	1374/03	800,36	024321B21300
Passco	09.11.01	1445/03	159,04	024321B21300
J. Pazos Lago, S.L.	31.10.01	000874	127,85	025111A21003
Sogama, S.A.	31.12.01	2001/2367	26.196,45	024421A22900
Jaime Viqueira	----	----	18,03	024511A22607

TOTAL 143.431,33 Euros

INTERVENCIÓNS:

O voceiro do PSOE solicita que sexan excluídas do expediente de recoñecemento a factura expedida por Coruñesa de ahorro energético, S.L. de data 09.11.01, por importe de 423,88 euros, e a factura de Editorial Galaxia de data 09.02.00, por importe de 886,02 euros, co obxecto de proceder o seu estudio máis detallado. Solicita que o Sr. Interventor informe se o Concello incorrería nunha ilegalidade no caso de non aprobar este expediente de recoñecemento extraxudicial de créditos.

O Sr. Interventor informa que sen prexuízo do indicado no se informe, da acreditación plena de que as facturas corresponden a gastos do Concello, da constancia das sinaturas de recepción e conformidade, de que nas facturas consten tódolos datos esixibles, e das responsabilidades ás que no seu caso houbera lugar, incluídos os posibles reintegros, o non recoñecemento suporía un enriquecemento inxusto para o Concello, e podería ocasionar un maior custo derivado do posible recoñecemento na vía xudicial.

D. Manuel Conde sinala que neste expediente non critica o fondo senón a forma. Cando non hai partida, non se pode invertir, salvo circunstancias excepcionais. E esa é a resposta que se lle dá ós veciños cando veñen coas súas solicitudes. Non están en contra de que se pague, pero pide rugurosidade no gasto. Sinala que estos recoñecementos fánse porque teñen maioría, porque senón poderían non aprobarse e habería que esixir

responsabilidades.

O voceiro do PSOE manifesta que trátase fundamentalmente de facturas de finais do ano 2001 e principios do 2002, o que supón unha gran diferenza con respecto o goberno anterior porque as facturas pendentes van contra o presuposto en vigor. En canto a súa xustificación sinala:

1º A maioría son por material eléctrico, que foi adquirido xa que canto antes se execute o traballo, maior será o aforro.

2º En canto ás facturas dos parques infantís, a situación era clara, ou estaban adaptados á normativa o día 1 de xaneiro, ou había que pechalos.

3º As facturas das iniciativas locais de emprego débense a que xeneraron facturas estando o presuposto prorrogado.

4º O gasto nos vehículos de vías e obras, e parques e xardíns debeuse a que se non se poñían as caixas, non se podían utilizar, e habería que alugalos, co que o custo sería maior.

5º As facturas derivadas do Convenio Interparroquial, son porque consideran debe seguir en vigor, e non ser suprimido.

Pídelle ó voceiro popular que lle nomee un Concello no que non se produzan recoñecementos de créditos.

D. Manuel Conde contesta que o ano 2000 xa había partida de aforro enerxético e tráense a recoñecemento facturas do ano 1999. Insiste en que se ben o recoñecemento é legal debe realizarse con carácter excepcional, mentras que neste Concello son un hábito.

D. Emilio González responde que está claro que os expedientes de recoñecemento non son un hábito neste Concello porque este é o primeiro do ano. Reclámalle que non lle ontestou á súa pregunta, e que unha vez máis minte porque non hai no expediente ningunha factura correspondente ó ano 1999.

VOTACIÓN E ACORDO: O Concello Pleno, con 13 votos a favor dos/as Sres/as Concelleiros/as: D. MANUEL JAVIER NÚÑEZ SALGADO, D. EMILIO GONZÁLEZ IGLESIAS, DONA Mª DEL CARMEN RODRÍGUEZ RIVAS, DONA Mª DEL PILAR MARTÍNEZ GONZÁLEZ, DONA Mª DEL CARMEN RODRÍGUEZ CUNHA, D. ALEJANDRO BASTOS FERNÁNDEZ, D. MANUEL IGLESIAS CARRERA, D. CARLOS GONZÁLEZ FERNÁNDEZ, D. XOSÉ CARLOS PAZOS DOCAMPO, DONA CECILIA PÉREZ ORGE, D. XOSÉ LUIS GRANDE GRANDE e DONA ROSA COSTAS ESTÉVEZ e mailo do Sr. Alcalde, e con 7 votos en contra dos/as Sres/as Concelleiros/as: D. MANUEL RAMÓN CONDE ROMERO, DON EMILIO SÁNCHEZ SANTORIO, DONA AURORA ALONSO MONTEAGUDO, D. MANUEL PUENTES SAAVEDRA, D. LUIS MÍGUEZ BOULLOSA, D. SALVADOR FERMÍN PINTOS FERNÁNDEZ, e D. JOSÉ LUIS ALONSO BASTOS, por maioría de votos, acorda:

PRIMEIRO.- Resolver os reparos formulados polo sr. Interventor no seu informe de data 22 de maio 2002, Rfª. -n T79/02.

Serie A N.º 1176128

SEGUNDO.- Aprobado dictame da Comisión informativa, excluindo do recoñecemento as facturas seguintes:

Factura expedida por Coruñesa de ahorro energético, S.L. de data 09.11.01, por importe de 423,88 euros, e a factura de Editorial Galaxia S.A. de data 09.02.00, por importe de 886,02 euros.

7.- APROBAR A NOVACIÓN PARCIAL DO PRÉSTAMO DE 136.381,44 € ASINADO O DÍA 24-01-97 COA "CAJA DE AHORROS Y MONTE DE PIEDAD DE MADRID".

ANTECEDENTES

Dictame da Comisión Informativa de Economía, Facenda e Desenvolvemento Local de data 20 de maio de 2002, que na súa parte expositiva dí:

Tendo en conta que o día 24 de xaneiro do ano 1997 este Concello asinou coa "Caja de ahorros y monte de piedad de Madrid" un contrato de préstamo por importe de 136.381,44 euros.

Tendo en conta que un total de 39.065,79 euros de préstamo citado están destinados á adquisición dun "Solar para centro de formación ocupacional/escola de aprendizaxe".

Tendo en conta que o solar citado nunca foi adquirido por este Concello, e considerando innecesario proceder á citada adquisición nun futuro próximo.

Considerando preciso adquirir terreos para uso público en Reboreda e Cedeira, propónse ó Concello Pleno a adopción dos pertinentes acordos para proceder á novación parcial do préstamo de referencia asinado o día 24.01.97 coa "Caja de Ahorros y Monte de Piedad de Madrid".

VOTACIÓN E ACORDO: De conformidade co dictame emitido en sentido favorable pola Comisión Informativa de Economía, Facenda e Desenvolvemento Local, de data 20 de maio de 2002, **O Concello Pleno**, por unanimidade de todos os seus membros presentes, **acorda:**

PRIMEIRO.- Novar parcialmente o préstamo asinado por este Concello o día 24.01.97 coa "Caja de Ahorros y Monte de Piedad de Madrid" cambiando parcialmente o destino de aquel, cambio que afectaría aos seguintes destinos:

Destino actual: Adquisición de solar para centro de formación ocupacional/escola de aprendizaxe: 39.065,79 euros.

Novo destino: Adquisición de terreos para uso público en Reboreda e Cedeira: 39.065,79 euros.

SEGUNDO.- Facultar á Alcaldía para que no expediente administrativo de modificación de crédito, mediante incorporación de remanentes de crédito que contén con financiamento afectado, asigne 39.065,79 euros á adquisición de terreos para uso público en Reboreda e Cedeira.

8.-APROBACIÓN INICIAL DA MODIFICACIÓN ORDENANZA FISCAL DA TAXA POR ENSEÑANZAS ESPECIAIS NOS ESTABLECEMENTOS DOCENTES DO CONCELLO.

ANTECEDENTES

Dictame da Comisión Informativa de Economía, Facenda e Desenvolvemento Local de data 20 de maio de 2002, que na súa parte expositiva dí:

Vista a Proposta formulada con data 4 de abril de 2002 pola Presidenta do Patronato do Conservatorio de Música, que transcrita dí:

A Presidenta do Patronato do Conservatorio de Música de Redondela, propón modifica-la Ordenanza Reguladora da Taxa por Ensinanzas Especiais nos Establecementos Docentes do Concello, que de seguido se relacionan nos artigos que se indican:

Artigo 9.- Apartado A) PAGAMENTO: Substituír este parágrafo:

Pagamento do 50% do importe da taxa no momento de presenta-la solicitude de matrícula e o outro 50% antes do 5 de setembro.

Polo seguinte:

Pagamento do 50% do importe total da taxa no momento de presenta-la solicitude de matrícula, 25% no mes de outubro e o restante 25% antes do día 10 de decembro.

NO ANEXO TARIFA, APARTADO 2: Engadir un novo apartado Materias soltas grado elemental e grado medio: 72,12 € (12.000 pesetas).

Visto o informe emitido pola Secretaría da Corporación en data 10 de abril de 2002, obrantes no expediente.

Visto informe do Interventor Xeral do Concello de data 25 de Abril de 2002, Rfª.-T 48/02.

VOTACIÓN E ACORDO: De conformidade co dictame favorable da Comisión Informativa de Economía, Facenda e Desenvolvemento Local, de data 20 de maio de 2002, **O Concello Pleno**, por unanimidade de todos os seus membros presentes, **acorda:**

PRIMEIRO.- Resolve-los reparos formulados polo Sr. Interventor no seu informe de data 25 de Abril de 2002, Rfª.-T 48/02.

SEGUNDO.- Aprobar provisoriamente a Modificación da Ordenanza Fiscal reguladora da taxa por ensinanzas especiais nos establecementos docentes do Concello e o seu Anexo, no seguinte senso:

Artigo 9.- Apartado A) PAGAMENTO: Substituír este parágrafo:

Serie A N.º 1176129

Pagamento do 50% do importe da taxa no momento de presenta-la solicitude de matrícula e o outro 50% antes do 5 de setembro.

Polo seguinte:

Pagamento do 50% do importe total da taxa no momento de presenta-la solicitude de matrícula, 25% no mes de outubro e o restante 25% antes do día 10 de decembro.

NO ANEXO TARIFA, APARTADO 2: Engadir un novo apartado Materias soltas grado elemental e grado medio: 72,12 € (12.000 pesetas).

TERCEIRO.- O expediente administrativo referido á modificación da ordenanza fiscal reguladora da taxa por ensinanzas especiais nos establecementos docentes do Concello e o seu Anexo, exporase ó público durante trinta días hábiles, mediante anuncio no taboleiro de anuncios do Concello, do organismo autónomo administrativo "Conservatorio de música de Redondela", no Boletín Oficial da Provincia, así como nun dos xornais de maior difusión na Provincia, coa finalidade de que os interesados poidan examinar o expediente administrativo citado e presentar por escrito as reclamacións que consideren oportunas.

CUARTO.- Rematado o período de exposición ó público, o acordo de modificación considerárase definitivamente adoptado no suposto de que non se formulara nengunha reclamación sen necesidade de novo acordo plenario, debéndose publicar no Boletín Oficial da Provincia o texto íntegro da modificación da ordenanza fiscal.-

9.-APROBACIÓN BASES REGULADORAS DAS SUBVENCIONS ÁS ANPAS 2002, NO REFERENTE A AXUDAS PARA GASTOS XERAIS DE MANTEMENTO, E DE ACTIVIDADES COMPLEMENTARIAS EDUCATIVAS DESENVOLVIDAS POLAS DEVANDITAS ASOCIACIONES.

ANTECEDENTES

Dictame da Comisión Informativa de Ensino de data 14 de maio de 2002, que en síntesis na súa parte expositiva dí:

Pola Presidencia dase conta das Bases Reguladoras das subvencións ás asociacións de nais e pais de alumnos dos centros docentes públicos de ensino de réxime xeral e conservatorio municipal do Concello de Redondela, para o ano 2002, no referente a axudas para gastos xerais e de mantemento, e de actividades complementarias educativas desenvolvidas polas devanditas asociacións, que figuran no expediente asinadas en data 6 de maio de 2002 polo Concelleiro Presidente da Comisión Informativa de ensino.

VOTACIÓN E ACORDO: De conformidade co dictame da Comisión Informativa de Ensino de data 14 de maio de 2002, O Concello Pleno, por unanimidade de todos os seus membros presentes, **acorda:**

PRIMEIRO.- Resolver os reparos formulados polo Interventor Municipal no seu informe de data 7 de maio de 2002, Rª T54/02.

SEGUNDO.- Aprobar as bases reguladoras das subvencións ás asociacións de nais e pais de alumnos dos centros docentes públicos de ensino de réxime xeral e conservatorio de música do Concello de Redondela, para o ano 2002, no referente a axudas para gastos xerais e de mantemento, e de actividades complementarias educativas desenvolvidas polas devanditas asociacións.

10.-APROBACIÓN DEFINITIVA ESTUDIO DE DETALLE NA RÚA PADRE CRESPO.

ANTECEDENTES

Dictame da Comisión Informativa de Urbanismo de data 20 de maio de 2002, que na súa parte expositiva dí:

Por acordo da Comisión de Goberno de data 25 de xaneiro de 2002, aprobouse inicialmente o Estudio de Detalle promovido por D. Fernando Sampil Sánchez en representación de Promociones Bigamobe, S.L, segundo proxecto redactado polo Arquitecto R. Fernando Sampil Sánchez, visado polo COAG con datas 07.05.01 e 01.06.01, que ten por finalidade axustar aliñacións, rasantes e volumes en parcela sita na Rúa Padre Crespo, no entorno inmediato do viaducto.

Efectuado o regulamentario trámite de información pública mediante anuncio publicado no Diario Oficial de Galicia nº 61 de data 27 de marzo de 2002, no Xornal Faro de Vigo do día 2 de marzo de 2002, no taboleiro de Anuncios da Casa do Concello e notificación individual a cada un dos interesados directamente afectados no ámbito territorial do devandito Estudio de Detalle, non foi presentada reclamación algunha.

Vistos os artigos, 140 do Regulamento de Planeamento, 44.3 e 48 da Lei 1/1997, do 24 de marzo, do Solo de Galicia, 64.2 c) da Lei 5/1997, do 22 de xullo, de Administración Local de Galicia, e 22.2 c) da Lei 7/1985, do 2 de abril, Reguladora das Bases de Rexime Local, modificada pola Lei 11/1999, do 21 de abril.

VOTACIÓN E ACORDO: De conformidade co dictame emitido en sentido favorable da Comisión Informativa de Urbanismo, en data 20 de maio de 2002, O Concello Pleno, por unanimidade de todos os seus membros presentes, **acorda:**

PRIMEIRO.- Aprobar definitivamente o devandito Estudio de Detalle.

SEGUNDO.- Instar da Secretaria do Concello a dilixencia de tódolos planos e documentos do instrumento urbanístico, na que se faga consta-lo acordo recaído.

TERCEIRO.- Dispoñe-la publicación de anuncios no BOP e no DOGA nos que se faga constar o acordo recaído, e notificar ós interesados con sinalamento dos recursos procedentes.

CUARTO.- Comunicar ó Conselleiro de Política Territorial, Obras Públicas e Vivenda o presente acordo, dándolle traslado dunha copia autenticada do expediente administrativo completo e de dous exemplares do instrumento aprobado definitivamente a efectos da súa entrada en vigor.

Serie A N.º 1176130

11.- APROBACIÓN DE DESIGNACIÓN DE REPRESENTANTE DO PATRONATO DE FUNDACIÓN "ILLA SAN SIMÓN".

ANTECEDENTES

Dictame da Comisión Informativa de Cultura de data 24 de maio de 2002, que na súa parte expositiva dí:

A Secretaría Xeral da Consellería de Cultura, Comunicación Social e Turismo, en escrito núm. 293, de data 11.01.02, nos comunica que estando a punto de concluír as obras da Illa de San Simón, pola Consellería de Cultura estase a confeccionar os Estatutos da Fundación que rexirá todo o complexo de servizos da Illa.

Na composición do Patronato, aparte do Sr. Alcalde-Presidente do Concello de Redondela, contéplase o nomeamento de dúas persoas significativas pola súa dedicación á Illa de San Simón e veciños deste término municipal.

VOTACIÓN E ACORDO: De conformidade co dictame da Comisión Informativa de Cultura de data 24 de maio de 2002, **acorda** propoñer como representantes no Patronato da Fundación da Illa de San Simón a D. JESÚS PÉREZ VARELA e D. XAIME REI BARREIRO.

12.-MOCIÓN DO B.N.G. SOBRE LISTA DE ESPERA NO SISTEMA SANITARIO DE GALICIA.

O voceiro do BNG, Dº Carlos Pazos, dá conta da moción que se transcribe: "Diante das reiteradas queixas dos usuários e usuárias da sanidade pública e a crecente alarma social asociada ao crecemento desproporcionado das listas de espera do sistema sanitario de Galiza e a ausencia de información sobre as mesmas, en canto ao número de persoas afectadas, tempo probábel de consulta e de intervención, o Grupo Municipal do BLOQUE NACIONALISTA GALEGO solicita do Pleno da Corporación Municipal a adopción dos seguintes

ACORDOS

1. Solicitar da Xunta de Galiza que informe de xeito urxente e publico da situación real e actual sobre
 - O número de persoas existentes nas listas de espera de primeiras consultas, probas diagnósticas e intervencións quirúrxicas, tanto globais como por tramos de espera.
 - Criterios utilizados para a súa clasificación.
 - Os planos para afrontar esta grave situación, así como os recursos previstos para desenvolvé-los.
2. Solicitar, así mesmo, da Xunta de Galiza o desenvolvemento e aplicación con carácter inmediato das recomendacións da Comisión de Expertos do Consello inter-territorial de Sanidade para "Desenvolver un Sistema de Información sobre as listas de espera cirúrxica", que contempla, entre outras medidas, a necesidade de garantir a equidade no acceso da cidadanía aos

procedimentos diagnósticos e de tratamento; o desenvolvemento de Planos Estratéxicos nas Comunidades Autónomas para afrontar listas; e unha información periódica (cada seis meses), que garanta á cidadanía un exercicio real e efectivo dos seus dereitos, coa implicación e colaboración de organismos e entidades representativas da cidadanía en calquera dos seus ámbitos sociais”.

INTERVENCIÓNS:

O voceiro do PP di que a sanidade é mellorable, pero iso non quere dicir que non se estea traballando e prestando un bó servizo, como así o demostran as enquisas que sinalan que a sanidade é boa. Critica a demagogia do BNG de denunciar que todo vai mal. Nos pasados días no Concello de Pontevedra, o BNG dixo exactamente o mesmo. Non pode aceptar esta moción, porque o seu texto non se axusta para nada á realidade.

D^a Pilar Martínez entende que a sanidade pública neste país é boa, pero ultimamente apréciase un deterioro, que se proba con datos obxectivos, como é que os presupostos están sendo restrinxidos. Non hai soamente listas de espera non servizos especializados, senón que o problema se estende a atención primaria, e no verán non se vai a substituír ó persoal, o que vai a repercutir no servizo moi negativamente.

En resumo, a situación non é tal mala como din uns, pero tampouco tan boa como din outros.

O voceiro do BNG manifesta que o recurso do PP de acusar ós outros partidos de demagogia cando non está de acordo, é recorrente. Por outra banda sinala que a situación non pode ser boa, cando se solicitan os datos ó Sergas e non se facilitan. Hai exemplos tan claros como que para ir a rehabilitación en Redondela hai unha demora de anos. O que pode suceder e que haxa xente que non empregue a sanidade pública, e por iso non sofre a situación.

D. Manuel Conde insiste na súa crítica á demagogia do BNG, que se limita a repetir as consignas que lle remite o seu partido dende Santiago. Contestálle a D^a Pilar Martínez que neste tema os que deben dicir se a sanidade está ben ou mal son os pacientes.

Apoia temas puntuais de mellora, pero non a xeneralización de que a sanidade é un desastre. Pola forma non pode votar a favor desta moción.

D^a Pilar Martínez contesta que ademais de profesional tamén é paciente, e padece as listas de espera. Ante as demandas da poboación, as Institucións non están dando respostas axeitadas. Ademais, fórmase a profesionais, que despois teñen que emigrar a Portugal e Reino Unido, porque aquí non hai traballo. Comprométese a traer datos, e se é preciso ó colectivo de parados da provincia de Pontevedra.

Rematou o debate D. Carlos Pazos esperando que o PP apoie a moción, por canto as afirmacións catastrofistas que criticaba o seu voceiro non aparecen recollidas no texto da moción, e son da súa propia colleita.



NUMERADO
RACIONES
CAIS

Serie A N.º 1176131

VOTACIÓN E ACORDO:

O Concello Pleno, con 13 votos a favor dos/as Sres/as Concelleiros/as: D. MANUEL JAVIER NÚÑEZ SALGADO, D. EMILIO GONZÁLEZ IGLESIAS, DONA Mª DEL CARMEN RODRÍGUEZ RIVAS, DONA Mª DEL PILAR MARTÍNEZ GONZÁLEZ, DONA Mª DEL CARMEN RODRÍGUEZ CUNHA, D. ALEJANDRO BASTOS FERNÁNDEZ, D. MANUEL IGLESIAS CARRERA, D. CARLOS GONZÁLEZ FERNÁNDEZ, D. XOSÉ CARLOS PAZOS DOCAMPO, DONA CECILIA PÉREZ ORGE, D. XOSÉ LUIS GRANDE GRANDE e DONA ROSA COSTAS ESTÉVEZ e mailo do Sr. Alcalde, e con 7 votos en contra dos/as Sres/as Concelleiros/as: D. MANUEL RAMÓN CONDE ROMERO, DON EMILIO SÁNCHEZ SANTORIO, DONA AURORA ALONSO MONTEAGUDO, D. MANUEL PUENTES SAAVEDRA, D. LUIS MÍGUEZ BOULLOSA, D. SALVADOR FERMÍN PINTOS FERNÁNDEZ, e D. JOSÉ LUIS ALONSO BASTOS, por maioría de votos, **acorda aprobar o texto da moción.**

ROGOS E PREGUNTAS

Non se formularon.

E, non habendo mais asuntos que tratar pola Presidencia dase por rematada a presente sesión sendas as vinte horas e cincuenta e cinco minutos da data indicada no encabezamento, en proba de todo o que se estende a presente acta, que se inscribiu no Libro dende a volta do folio trinta e sete do Papel Timbrado da Comunidade Autónoma de Galicia, Serie A nº 1176124, ata o folio cuarenta e catro, Serie A nº 1176131, de todo o que como Secretaria do presente acto, dou fe.

O Alcalde

A Secretaria

Asdo: Xaime Rei Barreiro

Asdo: Ana Isabel del Cerro del Río